



## Interno informativno glasilo Medžlisa IZ-e Tešanj

Ramazan 2016-1437.h.g. (str. 4.)



Iftar za 2000 postača sa Općinom Bajrampaša



Hafiska mukabela u Čarši-džamiji

Javni programi – Obilježen 3. maj „Dan šehida“ općine i 7. maj „Dan džamija“, (str. 6.)



Miljanovci Novi – 03. 05. 2016.- Mevlud za šehide



Miljanovci Novi – 07. 05. 2016.- Večer Kur'ana

Odgovj i obrazovanje – završena mektonska i školska godina (str. 5.)



Pobjednici takmičenja iz mektonske nastave održanog 10. 04. 2016. u Tešnju



Pobjednici 12. općinskog takmičenja iz vjeronauke održanog 09. 04. 2016. u OŠ „Rešad Kadić“ Tešanj

# BAJRAM ŠERIF MUBAREK OLSUN

## BAJRAMSKA PORUKA GLAVNOG IMAMA

**Malo** je trenutaka u našem životu kao što je bajram u kome se oslikava naša blizina vjeri i zajednici. Ta blizina vjeri i zajednici omogućuje da u bajramskoj radosti svjedočimo našu vjeru i iskazujemo našu pripadnost zajednici muslimana. Bajram nije blagdan samo jedne osobe ili jednog naroda već je to zajedničko dobro koje nas podsjeća da se nalazimo neposredno iza mubarek dana ramazana.

**Mjesec Ramazan** je ujedinio naša srca u ibadetu i dovi Allahu dž.š. za milost, oprost i oslobađanje od džehenemske vatre. Nadati se je da su one kabul kod Allaha dž.š.

Draga braćo!

**Tokom** ramazana kandilji naših džamija su osvijetljavali pravi put, podsjećali nas na važnost samo discipline od sehura do iftara i od iftara do sehura. Samo disciplinovana osoba može se nadati uspjehu u životu.

Također tokom ramazana sjedne strane glas imama i muezina oglašavao je poziv na spas s druge strane odziv na ramazanske ibadete naših čestitih džematlija i na institucionalno razumjevanje islama kroz džemat, medžlis, rijaset, bile su jasne poruka zajedništva u vjeri.

Džemat je milost, a podjele u džematu su patnje. U zajedništvu džemata očituje se snaga svjedočenja naše vjere.

Stoga je obaveza svakog muslimana da bude odan vrijednostima našeg zajedništva i to vjere u srcu, porodice u domu i džemata u džamiji.

**Draga braćo!**

**Danas imamo pravo na radost** jer je naša svijest o Bogu disciplinirala naše tijelo. Očistila je paučinu sa dunjalučkih iskušenja tako da i poslije Ramazana možemo razlikovati dobro od zla, pravi put od stranputice.

**Nemojmo zaboraviti** da je ovo najljepše i najvažnije doba našeg života u kojem treba da se pripremimo za ono što će uslijediti poslije a to je veliko breme odgovornosti pred Bogom i svijetom.

**Upravo sada** kada smo putem Ramazanskih fadileta potvrdili našu vjeru, otvorili naša srca, doživjeli vrhunac duhovnog uspjeha, važno je da tu ne stanemo, važno da u ovim bajramskim danima učinimo zavjet da ćemo ako Bogda i dalje: vjerovati i ibadet činiti,

vjerovati i vrijedno raditi za sebe, svoju porodicu, svoju zajednicu, svoju domovinu,

Tajna uspjeha na ovom svijetu jeste vjera u Boga dž.š. i činjenju dobrih djela.

**„Vi koji ste pouzdani, imajte Boga stalno na umu i neka svaka osoba pogleda šta je spremila za sutra...“ /Al-Hašr,18./**

" i vas će čekati ono što ćete zaslužiti, i vi nećete biti za ono što su oni radili." /Al-Baqare, 141./

## Aktivnosti IO Medžlisa –

**19.05.2016.g.- održana 14. sjednica IO** – U maloj sali Medžlisa IZ-e Tešanj. Sjednicom je predsjedavao predsjednik Zehrudin Kruško, a prisustvovalo 11 članova. Razmatran je dnevni red od 8 tačaka i usvojeni: Izvještaj o provedenom takmičenju učenika VIII i IX razreda OŠ i I razreda srednjih škola na nivou Medžlisa, Muftiluka i Rijasetu, -Izvještaj o obilježavanju 7. maja Dana džamija, - Plan aktivnosti za ramazan 1437.h.g.-2016., - zaključci o iznajmljivanju posovnog prostora, pomoći u liječenju Alkaz Mersadu, o izboru izvođača radova na uređenju prostora za dječije obdanište i dr.



**Posjeta medresi „Osman ef. Redžović“ 16.05.2016.** delegacije Medžlisa i Ilimije Tešanj.



**Posjeta Medžlisu IZ-e Sanski Most, 24.05.2016.**

Rukovodstvo Medžlisa i imami posjetili Banja Luku i Sanski Most.



## POZIV NA SARADNJU

Esselamu alejkum, poštovani čitatelji!

***Pred vama je novi broj Biltena Medžlisa IZ-e Tešanj. Ovo je još jedan naš pokušaj da damo skroman doprinos u prezentaciji našeg rada i aktivnosti i da ga približimo vama.***

***Javite nam se sa vašim primjedbama i sugestijama kako bismo zajednički što bolje prezentovali naš Medžlis***

***Naša web stranica: [www.miztesanj.ba](http://www.miztesanj.ba) ; email: [iztesanj@bih.net.ba](mailto:iztesanj@bih.net.ba)***

Bilten Medžlisa IZ-e Tešanj

Izdavač: Medžlis IZ-e Tešanj, za izdavača Zehrudin Kruško.

Glavni i odgovorni urednik: mr. Fuad ef. Omerbašić, tehnički urednik, tekst i foto Rašid Orlović  
Redakcija: Dževad ef. Hasanbašić; mr. Enver ef. Kurtić, hafiz mr. Almir ef. Hadžić  
i Suljo ef. Djedović prof., saradnici imami MIZ-e Tešanj.

### Hutba zamjenika reisu-l-uleme Husejin ef. Smajića

*„Tako mi neba sazviježđima okićenog, i dana već određenog, i prisutnih, i onoga što će biti prisutno, prokleti neka su oni koji su rovove iskopali, i vatrom i gorivom ih napunili, kada su oko nje sjedili i bili svjedoci onoga što su vjernicima radili!*

*A svetili su im se samo zato što su u Allaha, Silnog i Hvale dostojnog vjerovali, čija je vlast i na nebesima i na zemlji. – a Allah je svemu Svjedok. One koji vjernike i vjernice budu na muke stavljali pa se ne budu pokajali-čeka patnja u džehennemu i isto tako prženje u ognju, a one koji budu vjerovali i dobra djela činili čekaju bašče džennetske kroz koje će rijeke teći-a to će veliki uspjeh biti. Odmazda Gospodara tvoga će, zaista, užasna biti.“ (El-Burudž 1-12)*

Za vrijeme agresije na Bosnu i Hercegovinu u opsjednutim gradovima i na okupiranim područjima izvršeni su brojni zločini nad civilnim stanovništvom, uključujući i genocid nad Bošnjacima. Za samo četiri dana u mjesecu julu 1995.godine, s namjerom i prema utvrđenom obrascu, zbog njihove vjerske i etničke pripadnosti, u Srebrenici je na najsvirepiji način ubijeno više od 8 000 zarobljenih Bošnjaka. I pored toga što je Srebrenica od strane Ujedinjenih Nacija proglašena „Zaštićenom zonom“, velikosrpski agresor je u toku jedne sedmice likvidirao i zatrpao u masovne grobnice na hiljade zarobljenih Bošnjaka; na stotine živih zakopao; muškarce, žene i dječake sakatio i klaio; djecu ubijao pred očima majki; prisilio djeda da pojede džigericu svoga unuka; silovao žene i djevojke; deportovao oko 300 000 ljudi, uglavnom žena i djece. O tome postoje brojni dokazi među kojima i masovne grobnice koje je pokrila trava a zvijeri raznijele kosti.

To su prema Međunarodnom sudu u Hagu „scene iz pakla napisane na najmračnijim stranicama ljudske historije“. Međunarodni sud pravde u Hagu je u tužbi Bosne i Hercegovine protiv Srbije i Crne Gore potvrdio izvršenje genocida u Srebrenici i masovnih ratih zločina i zločina protiv čovječnosti u drugim područjima, ali je presudio da Srbija i Crna Gora nisu počinilac niti saučesnik u izvršenju genocida, već da je Srbija odgovorna za nesprječavanje genocida i nekažnjavanje počinitelaca.

Bošnjaci su očekivali presudu vjerujući da svijet ne može opstati bez pravde, da će svijet propasti ako pravda ne bude izvršena. I zato je oglašavanje presude za većinu nas bilo teško podnositi udar na svijest i osjećanje, na memoriju u na samopoštovanje.

Utvrđujući zločin genocida i druge teške zločine koje nikad i nigdje nisu mogli pripremiti i počiniti pojedinci bez pomoći države, presuda nije izvršila pravdu kao zadovoljenje prava žrtava. Preživjeli Srebreničani nastavljaju da žive samo radi svojih mrtvih, pronađenih i onih još nepronađenih, nadajući se da će jednog dana ugledati njihove ubice s licicama a rukama. Njih ne zanimaju velike riječi ni domaćih ni stranih političara, niti im kurtoazna izvinjenja išta znače.

„Svaki naš dan zove se Srebrenica i svaki naš dan zove se Potočari“, kaže jedna Srebreničanka. Te mučenice neopogriješivim instinktom slute da je njihov bol samo njihov i da ne treba vjerovati ni u kakve „istorijske poruke“ koje se 11.jula na dan obilježavanja genocida upućuju u Potočarima. Malo je u svemu tome iskrenosti, pa se taj cijeli moralistički ritual doima kao veliko pranje prljavih ruku. Uostalom, zar je trebalo da prođe punih deset godina pa da sa moćnog Zapada čujemo glasove koji jedan evidentno genocidni zločin nazivaju pravim imenom.

Točak prošlosti ne može se vratiti natrag i oživjeti mrtve. Ali kakav je smisao srebreničkih žrtava? Hoće li Potočari ostati samo polje bijelih nišana, a Srebrenica gradić koji umire, ili će sila života učiniti svoje? Odgovori na ta pitanja odredit će budućnost Bosne i Hercegovine. Ako postoji nada u pravdu i nada u spašavanje i obnovu života u Srebrenici danas sa ove hutbe preporučujemo: Draga braćo i sestre, Ovaj svijet je mjesto velikih iskušenja za one koji imaju moć i ovaj svijet je mjesto malih ushićenja za one koji ne mogu proć putem do svoje obećane slobode. Ali, ovaj svijet je i vrijeme u kojem se može prepoznati mala duša velikih i velika duša malih ljudi koji su svjesni da je svaki Božiji dar iskušenje koje pretpostavlja obavezu podjela dunjalačkih briga sa svojim bratom. Dakako, Srebrenica je obaveza za svakog punodobnog i savjesnog Bošnjaka muslimana na iskušenje života, slobode, časti i imetka, kao što je i zekat na iskušenje današnjeg dana zahvalnost Allahu uzvišenom, sabur i nada uz Allahovu pomoć, te istina i pravda uz Allahovu svemoć.

U Mekki gdje je rođen posljednji Allahov poslanik Muhammed a.s., koji je iz nje protjern zbog islama ali se nakon deset godina izgnanstva vratio kao pobjednik i tako ostavio amanet za sva vremena da prognanik iz svog rodnog mjesta ne smije nikada izgubiti nadu u povratak i ne smije nikada odustati od svog prava na rodni kraj, vlastiti dom i domovinu.

Srebrenica je za Bošnjake Mekka, gdje su rođeni Bošnjaci, koji su iz nje protjerani zato što su muslimani, ali baš zato oni nikada ne smiju izgubiti nadu u povratak u svoju Srebrenicu, u svoju Mekku, u koju se Alejhislam vratio kao pobjednik jer je „ljuba v prema rodnom kraju, prema vlastitom domu i domovini dio vjere“-govorio je Alejhislam.

Mi, Bošnjaci muslimani, ne smijemo dopustiti da počinitelji genocida nad našim narodom budu nagrađeni.

Mi ne smijemo ostaviti naše potomstvo u strahu od ponovnog genocida.

Mi se moramo pouzdati u Boga dž.š., moramo vjerovati u sebe, moramo se organizovati tako da ne ostavljamo dugove našoj djeci, dugove koji će oni plaćati genocidom. Moramo se uozbiljiti i shvatiti da je najsigurnija pomoć ona koju sami sebi donesemo. Savjesni i odgovorni muslimani Bošnjaci treba da čuju i upamte ove Allahove riječi:

*-Vi koji ste se u Boga pouzdali, pobrinite se o sebi, pomozite sami sebi, jer ako ste krenuli pravim putem, ne mogu vam nauditi č oni koji su na krivom putu. Na kraju svi ćete se vratiti Allahu pa će vas On obavijestiti o onome što ste radili. (El-Maideh, 5:105)*

*-Vi koji vjerujete, za prisne prijatelje uzimajte samo one između vas koji vas razumiju, jer vam ostali propast žele: jedva čekaju da vas kakva muka ili nesreća zadesi, mržnja izbija iz njihovih usta, a još gore što u duši kriju, Allah vam iznosi dokaze, ako pameti imate. (Kur'an, 3:118) (Ali Imran). -Vi njih volite, a oni vas ne vole i vi vjerujete u sve knjige. Kad vas sretnu govore: „Vjerujemo!“-a čim se nađu nasamo, od srdžbe prema vama grizu vrhove prsta svojih. Reci: „Umrte od muke!“ Allahu su zaista, dobro poznate misli svačije (Kur'an, 3:119) (Ali Imran).*

*-Ako kakvo dobro dočekate, to ih razočara, a zadesi li vas kakvo zlo, to ih obraduje. No, ako vi buudete uporni i samosvjesni, njihove zavjerre i spletke neće vam ništa nauditi. Allah, zaista, zna ono što oni rade (Kur'an, 3:120) (Ali Imran)*

I na kraju zamolimo Svevišnjeg, da današnjim velikim danom, prvom džumom mjeseca Ševvala 1437.hidžretske godine, pomogne i sačuva (nas) Bošnjake u BiH Kur'anskom dovom: „Svemoguću Bože: ne kazni nas za ono što zaboravimo i nehotice učinimo“ „Gospodaru naš, ne tovari na nas breme kao što si ga tovario na one prije nas, Gospodaru naš: ne stavlja nam u dužnost ono što ne možemo podnijeti, pobriši grijehe naše i oprost nam i smiluj se na nas. Ti si Gospodar naš pa nam pomoz protiv (naših) neprijatelja, naroda koji ne vjeruju!“ (El-Bekare:286).

**Post i iftar**

„Svaki covjekov posao se višestruko nagradjuje; dobro djelo se nagradjuje desetorostruko, do sedam stotina puta, a Allah Uzvišeni je rekao: - Osim posta, on je Moj i Ja za njega nagradujem, on ostavlja svoje strasti i hranu radi Mene.“ (Hadis-Muslim).

Medžlis je samostalno ili u saradnji sa drugim subjektima organizirao iftare:

za imame i članove IO - 09. 06. 2016.

za profesore medresa - 10.06.2016.

sa Općinom Tešanj i Istambulskom

općinom Bajrampaša – 15.06.2016.

Brojni iftari su organizirani u džematima (Šije, Piljužići, Miljanovci, Jevadžije, Oraš Planje, Mrkotić-Putešić...) -



Iftar za zaposlenike i članove IO



Iftar za profesore



Iftar sa općinom Tešanj i Bajrampaša



Tradicionalni iftar u Šijama

**Mukabela**

Učena u svim džamijama na ukupno 36 mjesta sa ukupno 382 učača.

**Hafisku mukabelu** u Čarši džamiji poslije ikindije-namaza učili su džematski imam mr. Enver ef. Kurtić i hafizi: Nermin Ibrahimović, Ahmed Bukvić i Mustafa Gulen iz Turske.

**Sehurska mukabela** u Čarši džamiji i Miljanovci Novi.

**Mukabela za žene** učena u džematima: Miljanovci, Miljanovci Novi i Radaša.

**Mukabela polaznika mektebske nastave** u džematu Miljanovci Novi.

**Teravij-namaz**

Klanjan na 66 punktova, 20 rekata po takvimu, od angažovanih imama: 31 stalni imam, 3 honorarna imama; 1 penzionisani imam, 12 učenika medresa, 3 studenta, 6 svršenika medresa, 7 teravij imama, 1 vjeroučitelj i 2 svršenika FIN-a

Teravij namaz obavlja se u 38 džamija, 27 mesdžida i 1 porodičnoj kući.

I ove godine na području Medžlisa IZ-e Tešanj boravio je gost iz Turske hfz. Mustafa Gulen koji je obilazio džemate na teravij-namazu po rasporedu Medžlisa, u Čarši džamiji učio hafisku mukabelu i učestvovao u javnim programima Medžlisa.



Teravij namaz – imam hafiz iz Turske

**Itikaf** – Kao i ranijih, tako su i ove godine imami kao mutekifi boravili u itikafu u četiri džamije i to: Čarši džamija-mr. Enver ef. Kurtić, Jelah – mr. hafiz Almir ef. Hadžić, Miljanovci Novi Bersad ef. Kozlić prof., i, u džematu Maračaj-Potočani Muris ef. Braćkan.

**Rad sa ženama**, muallima Fatima Čeman u saradnji sa glavnim imamom organizirala rad sa ženama u ramazanu i to:

- sa 14 učenica medresa posjećeno 44 punkta i održano isto toliko prigodnih programa za žene,

- Žene stručnjaci iz različitih oblasti održale predavanja ženama u džematima i to: hafiza Hidajeta Mahalbašić, dr. Azra Ibrahimović, mr. Emina Turalić, Nisveta Mudrov prof

**Prigodni programi**

- **Tefsir** odnosnog džuzu na hafiskoj mukabeli u Čarši-džamiji.

- **Kratko predavanje** u džamijama pred teravij-namaz,

- **17. noć – Lejletu-l-Bedr** – na prigodan način obilježina u svim džematima, *Jevadžije – Omladinski iftar i mevlud*

**Kratko predavanje profesora medresa pred teravij namaz u džematima, nakon iftara 10.06.2016. i to:**

Muftija zenički dr. Ejub ef. Dautović – Čarši-žamija, Muftija bihački Hasan ef. Makić – Dibekhana džamija, dekan FIN-a Sarajevo dr. Zuhdija Hasanović – Šije, dekan IPF Zenica – hafiz dr. Halil Mehtić – Miljanovci Novi, dekan IPF Bihać – dr. Fuad Sedić – Dobropolje-Mekiš, direktor GHM Sarajevo – hafiz mr. Mensur Malkić – Jelah, profesor na FIN-a Sarajevo dr. Almir Fatić – Miljanovci, asistent na FIN-a Sarajevo mr. Senad Čeman – Trepče, profesor na IPF Bihać – dr. Izet Terzić – Dolac-Kotlanice, profesori u GHM Sarajevo: Salih ef. Haušić – Kalošević, Đulan Merzuk – Čaglići, profesori u „Behram-begovoj“ medresi Tuzla: Mensur Husić – Radaša, Mehmedalija Čandić – Kraševo i Sevret Mahmutćehajić - Šije Gornje Polje, profesori u „Elči Ibrahim-pašinoj“ medresi Travnik: Ahmed Omerdić – Mračaj-Potočani, Sinanudin Alibegović – Džemiljić Planje, Kemal Avdagić – Oraš Planje, Omer Meštrovac – Šije Donje Polje, profesori medrese „Osman ef. Redžović“: hafiz Zijad Dervić – Vukovo, hafiz Abdulkadir Kadrić – Piljužići, Muhamed Mušinbegović – Jevadžije, Emir Uzunalić – Bobare i predstavnici Preporoda: urednik Ekrem Tucaković – Karadaglije-Koprivci-Oruče i novinar Elvedin Subašić – Lepenica.

Ovo je 12 godina za redom kako Medžlis Tešanj organizuje zajednički iftar poslije koga gosti posjete džemate i održe prigodna predavanja.

Ove godine na iftaru je boraio i zamjenik Reisu-l-uleme mr. Husein ef. Smajić.



Obraćanje muftije zeničkog dr. Ejub ef. Dautovića u Čarši-džamiji

**„Odgaj i obrazovanje kroz mekteb i školu“**

Završnim isptima, testiranjem, podjelom mektebskih knjižica i hatma dovama polaznika mektepske nastave okončana je mektepska 2015/16. godina na području Medžlisa IZ-e Tešanj.

**Takmičenje** polaznika mektepske nastave na nivou Medžlisa održano je 10. aprila 2016. godine iz tri kategorije: opće znanje, kiraet mlađi uzrast i kiraet stariji uzrast sa učešćem po jednog takmičara po kategoriji iz svakog mekteba. Ukupno učestvovalo 96 takmičara. Pobjednici su: iz općeg znanja 1. mjesto Plančić Ramiz iz džemata Dobropoje-Mekiš, 2. mjesto Taqi Amina iz džemata Jelah i 3. mjesto Šabanović Safet iz džemata Lepenica.

Iz kiraeta – mlađi uzrast pobjednici su: 1. mjesto Salkanović Muhamed iz džemata Šije Donje Polje, 2. mjesto Davarović Damija iz džemata Kalošević i 3. mjesto Huskić Ferid iz džemata Karadaglije-Koprivci-Oručje.

Iz kiraeta – stariji uzrast pobjednici su: 1. mjesto Mešić Muhamed iz džemata Šarenog mekteba, 2. mjesto Alić Dalila iz džemata Jelah i 3. mjesto Fatić Enida iz džemata Kalošević. Ukupni pobjednici po džematima su:

1. mjesto Šareni mekteb, 2. mjesto džemat Jelah i 3. mjesto džemat Kalošević.

Pobjednici – prvoplasirani iz svih kategorija učestvovali su na takmičenju nivoa muftiluka zeničkog održanom 24.04. 2016. godine u Zenici na kome su zauzeli ekipno 1. mjesto, a pojedinačno: Plančić Ramiz 1. mjesto, Muhamed Salkanović 2. mjesto i Muhamed Mešić 2. mjesto. Plančić Ramiz je predstavljao Medžlis i Muftiluk na finalnom takmičenju nivoa Rijasetu održanom u Sarajevu 15. maja 2016. g.



*Ekipni pobjednici takmičenja nivoa muftiluka zeničkog*

**Mektepske knjižice** – uručeni se svim upisanim polaznicima 29.06.2016.godine.

**Završno mektepsko testiranje** – provedeno 28. 05. 2016. godine u svim mektebima po uputstvu Muftiluka zeničkog.

**Hatma dove** polaznika mektepske nastave do izrade ovog izvještaja održane su u 24 džemata na kojima su svim svršenicima hatmi uručene jedinstvene svjedožbe izrađene u Rijasetu i popunjene u Medžlisu, ukupno uručene 752 svjedodžbe.

Od mogućih 8.960 bodova mektebi su osvojili 6.476,07 bodova što je 72,00%, odnosno ocjena vrlodobar.

**MektePska akcija „Eco proljeće 2016.g.“** tradicionalno se organizuje svake godine. Ove godine je provedena u saradnji sa Općinom Tešanj 27.03.2016.godine. U akciji je izvršeno čišćenje i uređenje vakufske imovine i javnih površina – džamije, haremi, mezarja, ulice, trgovi, riječna korita i dr. Karakteristika ovogodišnje akcije je smanjen broj smeća na istom području u odnosu na prethodne godine.



*Šije*



*Šareni mekteb*

**Nagradno putovanje u Sarajevo na finano takmičenje** - ove godine Medžlis IZ-e Tešanj je organizirao nagradno putovanje u Sarajevo, obilazak grada i prisustvo završetku finalnog takmičenja polaznika mektepske nastave na nivou Rijasetu za sve takmičara iz džemata koji su učestvovali na takmičenju nivoa Medžlisa iz kategorije Kiraet stariji uzrast i za prvih pet plasiranih na istom takmičenju iz Općeg znanja i Kiraeta – mlađi uzrast.



*Ispred „Begove“ džamije u Sarajevu*

Nakon sumiranja svih rezultata i ocjene glavnog imama najbolje rezultate u mektepskoj 2015/16. godini na području ovog Medžlisa postigli su:

1. Šareni mekteb – muallimi: hafiz mr. Nermin ef. Ibrahimović, mr. Enver ef. Kurtić, hafiz Ahmed ef. Bukvić prof., i Amar ef. Bedaković prof.
2. Miljanovci – muallim Raif ef. Hasan prof.
3. Jeleh –muallim hafiz mr. Almir ef. Hadžić.

**Obilježen 7. maj „Dan džamija“ na području Medžlisa IZ-e Tešanj, izdvojamo...**

**29.04.2016. – Miljanovci Novi – održano drugo takmičenje polaznika mektske nastave u hifzu sure Jasin i Mulk.**

Pobjednici u učenju sure Jasin 1. mjesto – Bošnjo Almin, 2. mjesto Jacić Nadina i 3. mjesto Smajić Amel.

U učenju sure Mulk: 1. mjesto - Mujkanović Ajdin, 2. mjesto Kruško Ahmed i 3. mjesto Kruško Sumeja.

**30.04.2016. – Miljanovci Novi - održan treći omladinski turnir u stolnom tenisu**

Pobjednici turnira su: 1. mjesto Ismet Samjić iz džemata Miljanovci Novi 2. mjesto Prnjavorac Alem iz džemata Čarši-džamije i 3. mjesto Jacić Asim iz džemata Miljanovci Novi.

**30.04.2016. – Miljanovci Novi - održana druga tematska tribina za žene – u okviru projekta ženski aktivizam predavači muallima Fatima Čemnan i hafiza Hidajeta Mahalbašić.**



*Pobjednici takmičenja*



*Omladinski turnir u stolnom tenisu*



*Dio prisutnih žena na tribini*

**30.04.2016. – Mrkotić-Putešić – proučen tradicionalni 14. mevlud za šehide**

Na početku mevluda polaznici mektske nastave su proučili Jasin, imami okolnih džemata Mevlud, a polaznici mektske nastave nekoliko dirljivih ilahija. Na sve šehide ovog džemata podsjetio je džematski imam Hajrudin ef. Delić, a prigodna predavanja održali glavni imam Medžlisa IZ-e Tešanj mr. Fuad ef. Omerbašić i hafiz Nedžad ef. Čeman prof.

**03.05.2016. Miljanovci Novi - proučen tradicionalni 21. Mevlud za šehide ( u saradnji sa OPŠIPB)** u džamiji ovog džemata poslije akšam namaza. Mevlud su proučili imami Medžlisa IZ-e Tešanj, a prisutnima se prigodno obratili: predsjednica Organizacije PŠiPB Nura Mehić, glavni imam Medžlisa IZ-e Tešanj mr. Fuad ef. Omerbašić i gost vaiz hafiz Nedžad ef. Čeman. Ovo je 21. godina za redom kako se održava ovaj mevlud u zajedničkoj organizaciji Medžlisa IZ-e Tešanj i OPŠiPB, a drugi u ovoj džamiji – prvi mevlud održan je upravo u ovoj džamiji 1996. godine.

**05.05.2016. – Uručene nagrade pobjednicima na konkursu za najbolje likovne i literarne radove u povodu Dana džamija u atriju Medžlisa IZ-e Tešanj poslije džuma-namaza.**

Konkurs je, u saradnji sa Medžlisom IZ-e Tešanj, proveo Aktiv nastavnika Islamske vjeronauke. Na konkursu su učestvovali učenici iz OŠ sa likovnim, a učenici iz srednjih škola sa literarnim radovima. Pobjednici iz kategorije likovnih radova su: 1. mjesto Irma Delić, 2. mjesto Tarik Muminović i 3. mjesto Amra Huskić. Iz kategorije literarnih radova: Amor Džaferović, 2. mjesto Fatima Alić i 3. mjesto Amina Brka.

**05.05.2016. Održana promocija prevoda Muslimove zbirke hadisa – u atriju Medžlisa IZ-e Tešanj.** Moderator mr. Fuad ef Omerbašić, glavni imam, a promotor dr. Šefik Kurdić, prevodilac.



*Mevlud Mrkotić-Putešić*



*Mevlud Miljanovci Novi*



*Pobjednici na konkursu*

**07.05.2015. Miljanovci Novi – održana deseta tradicionalna „Večer Kur'ana“** kao Centralna manifestacija Medžlisa i Muftiluka zeničkog u džamiji ovog džemata poslije akšam-namaza, poslije akšam-namaza.

U okviru programa ajete Kur'ana Časnog učili su hafizi: mr. Nermin ef. Ibrahimović, imam Dibekhana džamije (ranije imam ovog džemata 12 godina), kurra hafizi iz Turske: Jašar Nebi i Jašar Čuhadar i kurra hafiz Aziz Alili, koji je od dosadašnjih 10 godina prisustvovao 9 puta. Selame i dobrodošlicu svim prisutnim uputio je džematski imam Bersad ef. Kozlić prof., a prigodno se obratili glavni imam Medžlisa IZ-e Tešanj mr. Fuad ef. Omerbašić i izaslanik Reisu-l-uleme i direktor Uprave za vjerske poslove Rijaseta IZ-e u BiH mr. Nusret ef. Abdibegović koji je javno istakao prijedlog da se ova manifestacija uvrsti u program Rijaseta.



*Hafizi: Nermin*



*Jašar U.*



*Jašar Č.*



*Aziz Alili*



*Zajednička fotografija poslije programa*

**Događaji, infrastruktura, iz naših džemata**

**Dž. Planje** –15.05.2016. završena rekonstrukcija munare.



**Dibekhana džamija**- završena rekonstrukcija munare – 01.06.2016.



**Hamzibegova džamija** - završena rekonstrukcija munare – 20.06.2016.



**Lepenica** – Završeno uređenje džamije i mektske učionice (nova PVC stolarija, fasada, laminat u učionici...)



**Dibekhana dž.** 06.05.2016. proučena dova u povodu završetka radova na izgradnji abdesthane i mokrog čvora.



**Karadaglije-Koprovci-Oruče** – 30.06.2016. – Završena izgradnja šehidskog spomen obilježja.



**Dobropolje-Mekiš** – 14.05.2016. imami Medžlisa IZ-e Tešanj proučili tradicionalni mevlud, zikr derviši nakšibendijske tekije, a prisutnima se obratili glavni imam mr. Fuad ef. Omerbašić i izaslanik Muftije zeničkog Džafer ef. Gračić, prof.



*Obraćanje Džafer ef. Gračića, glavnog imama Medžlisa IZ-e Teslić.*

**Raduša** – 04.06.2016. - imami Medžlisa IZ-e Tešanj proučili tradicionalni mevlud za šehide i vakife, a prisutnima se prigodno obratili: džematski imam Ramo ef. Svrzo, glavni imam mr. Fuad ef. Omerbašić i hafiz Alija ef. Rahman prof.



*Obraćanje hafiza Alije ef. Rahmana*

**Jelah** – Večer ilahija – 05.06.2016. Održana u haremu ispred džemije, pred akšam namaz. Učestvovao Omladinski ansambl iz Tešnja i hafiz iz Turske Mustafa Gulen. Nastupajući ramazan čestitali džematski imam i glavni imam.



*Nastup Omladinskog ansambla iz Tešnja*



Hadži Osman Jašić  
Bedel za Jašić Fikretu



**Hadždž i umru Allaha radi izvršavajte!...**



Hadžikadunuć Nedžad  
Cerovac



Turkeš Smajl  
Džemilić Planje



Mularifović Halid  
Ravne - Tešanj

**HADŽIJE MEDŽLISA IZ-e TEŠANJ 2016./1437. h. g.**



Ahmić Sulejmen  
Miljanovci



Ramić Ramo  
bedel za Hrvic Halida



Jašić Smajl i Sabira  
Raduša



Mandžukić Fatima  
Tešanj



Muharembegović Nusret i Jasminka - Dobropolje




Bajrić Ahmet i Tajiba - Šije



Hrvic Sena - Vukovo




Čeman Redžo i Sabira  
Miljanovci – Redžo bedel za majku Zejnu



Mujkić Saima  
Miljanovci



Čeman Kadira -  
Miljanovci – bedel za majku



Hodžić Samija  
Dobropolje



Imamović Subhija  
Vukovo



Hrnjić Ramiza  
Marin Han

Džafić Nazifa  
Ošljak

Šaćirović Nermin i Mirnesa  
Piljužići



